



Broj: 04-750-2/26

Datum: 14.04.2026. godine

Na osnovu člana 17. tačka d) Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 1/23, 19/23 i 31/24), člana 17. tačka g) Statuta Zavoda za zapošljavanje Brčko distrikta BiH (br.04-230/25), i člana 14. stav (2) Pravilnika o mjerama za podsticaj zapošljavanja (br. 04-1918/25), (u daljem tekstu: Pravilnik), a u skladu sa Odlukom Vlade Brčko distrikta BiH o odobravanju tekućeg transfera i usvajanja Programa utroška sredstava (broj: 13-002984/25, broj akta: 01.11-1186NK-012/25 od 17.12.2025. godine) u korist Zavoda za zapošljavanje Brčko distrikta BiH (u daljem tekstu Zavod), na svojoj 44. redovnoj sjednici održanoj dana 07.04.2026. godini Upravni odbor Zavoda za zapošljavanje Brčko distrikta BiH, donosi Odluku (br.04-750/26 od 08.04.2026. godine), da se objavi

JAVNI POZIV

za prijavu na Program utroška sredstava za podršku socijalnom preduzetništvu na području Brčko distrikta Bosne i Hercegovine

Svrha Programa je podrška socijalnom preduzetništvu kao organizovanoj privrednoj djelatnosti koja se vrši na tržišnom principu radi ispunjavanja društvenog cilja, odnosno stvaranja inovativnih mogućnosti za rješavanje socijalnih, zdravstvenih, kulturnih, ekonomskih, ekoloških ili drugih društvenih izazova pojedinih grupa građana ili šire društvene zajednice, kao i sprečavanja nastajanja i otklanjanja posljedica društvene isključenosti i jačanja društvene solidarnosti i kohezije s ciljem prepoznavanja i rješavanja društvenog problema radi ostvarivanja održivog ekonomskog i društvenog rasta i razvoja Brčko distrikta BiH.

I – Korisnici Programa

Korisnici programa (u daljem tekstu Korisnici) Sredstva po ovom programu, mogu biti preduzeća, zadruge, udruženja građana, fondacije ili druga pravna lica koja su stekla status socijalnog preduzeća i upisana u Registar kod Odjeljenja za privredni razvoj, sport i kulturu Vlade Brčko distrikta BiH.

II – Kriteriji

Opšti kriteriji za dodjelu sredstava koje podnosioci prijava moraju ispunjavati su:

- a) da su upisani u Registar socijalnih preduzeće Brčko distrikta BiH.
- b) da redovno izmiruje obaveze po osnovu poreza i doprinosa.

III – Kriteriji za vrednovanje aplikacije

Kriteriji za vrednovanje aplikacije su:

- a) ocjena poslovnog koncepta,
- b) struktura finansiranja,
- c) uspostavljena partnerstva.

a) Kriterij ocjene poslovnog koncepta obuhvata:

1. Ocjenu tržišnog potencijala izvedivosti planiranih determinanti uspjeha i adekvatnosti dizajna poslovnog koncepta shodno raspoloživim ljudskim, tehničkim i finansijskim resursima;
2. Ocjenu ostvarenja socijalnog uticaja zapošljavanjem lica iz kategorija definisanih Zakonom o socijalnom preduzetništvu Brčko



distrikta BiH, kako je komunicirano poslovnim planom;

3. Ocjenu ostvarenja socijalnog uticaja integrisanjem lica iz kategorija navedenih u alineji 2. ovog stava u tržišne lance vrijednosti, kao dobavljača ili kooperanata.
4. Finansiranje projekata kojima se ostvaruje određeni društveni cilj.
5. Obavljanje djelatnosti povjerene prenosom javnog ovlaštenja od strane nadležne institucije.

b) Kriterij strukture finansiranja se ocjenjuje na osnovu udjela obezbijeđenog sufinansiranjem projekta iz sopstvenih i iz drugih izvora kako novčano tako i materijalno u odnosu na zahtijevana sredstva.

c) Kriterij uspostavljenih partnerstava se zasniva na dostavljenim postojećim sporazumima o poslovnoj saradnji i pismima namjere pravnih lica kojima se nedvosmisleno ukazuje na spremnost podrške poslovanju ili uspostavljanju saradnje sa socijalnim preduzećem.

IV – Sredstva za realizaciju Programa

1. Sredstva po ovom programu, mogu biti dodijeljena preduzećima, zadrugama, udruženjima građana, fondacijama ili drugim pravnim licima koja su stekla status socijalnog preduzeća upisom u Registar socijalnih preduzeća Brčko distrikta BiH.
2. Sredstva po pojedinom podnosiocu prijave i projektu ovog programa mogu biti dodijeljena u iznosu, ne manjem od 20.000,00 KM (slovima: dvadeset hiljada konvertibilnih maraka) ni većem od 50.000,00 KM (slovima: pedeset hiljada konvertibilnih maraka).
3. Sredstva iz stava (1) ovog člana se dodjeljuju u skladu sa pravilima za dodjelu državne pomoći male vrijednosti (*de minimus* pomoć) na osnovu člana 6a. Zakona o sistemu državne pomoći u Bosni i Hercegovini („Službene glasnik BiH“, broj 10/12 i 39/20).
4. Sredstava za realizaciju Programa u iznosu od 100.000,00 KM obezbijeđena su Budžetom Brčko distrikta BiH za 2025. godinu u Odjeljenju za privredni razvoj, sport i kulturu, na organizacionom kodu 17010001, ekonomski kod 614100 Tekući transferi drugim i istima nivoima vlasti, analitička stavka 614141 „Transfer Zavodu za zapošljavanje Brčko distrikta BiH za realizaciju Programa za podršku socijalnom preduzetništvu na području Brčko distrikta BiH“.

V – Utrošak sredstava

Sredstva po ovom Programu mogu biti odobrena za:

- a) Nabavku opreme u 100 % iznosu, od odobrenog iznosa;
- b) Troškove zakupa i uređenja poslovnog prostora u iznosu koji ne prelazi 30 % od odobrenog iznosa;
- c) Nabavku repromaterijala u iznosu koji ne prelazi 30 % od odobrenog iznosa;
- d) Ostalo (radna snaga, sitan alat, certificiranje i sl.) u iznosu koji ne prelazi 50 % od odobrenog iznosa.

Broj krajnjih korisnika koja će biti obuhvaćena ovim Programom biće usklađen sa raspoloživim sredstvima.



VI - Način realizacije Programa

1. Gradonačelnik će na prijedlog šefa Odjeljenja za privredni razvoj, sport i kulturu imenovati posebnu Komisiju za ocjenjivanje poslovnih ideja (u daljem tekstu: Komisija za ocjenjivanje), koju čine dva predstavnika Odjeljenja i jedan predstavnik Zavoda.
2. Aplikanti se mogu prijaviti kao predstavnici preduzeća, zadruga, udruženja, fondacija ili drugih pravnih lica koja su stekla status socijalnog preduzeća i upisana u registar kod Odjela za privredni razvoj sport i kulturu Vlade Brčko distrikta BiH.
3. Svi aplikanti su uz prijavu u obavezi dostaviti poslovni koncept Zavodu, nakon čega se nastavlja procedura rangiranja i izbora aplikanata, sa najboljim poslovnim idejama.
4. Komisija za ocjenjivanje će donijeti Poslovnik o radu, kojim se bliže određuje način rada i odlučivanja. Komisija za ocjenjivanje je dužna kreirati obrazac za vrednovanje pristiglih poslovnih koncepata, a prema kriterijima propisanim ovim programom. Komisija za ocjenjivanje je dužna u roku od petnaest (15) dana (od dana prijema poslovnih koncepata) provjeriti da li su ispunjeni formalno-pravni uslovi od strane podnosioca prijava i ocijeniti poslovne koncepte prema kriterijima iz ovog Programa, na način kako je to definisano Poslovnikom o radu Komsije za ocjenjivanje kojim se bliže propisuje način rada, bodovanja i odlučivanja, te nakon toga sačiniti prijedlog rang liste.
5. Komisija za ocjenjivanje sačinjava prijedlog rang liste podnosioca prijave objavljuje liste na oglasnoj ploči i na web stranici Zavoda. Rang liste sadrže naziv podnosioca prijave i broj bodova.
6. Na predloženu rang listu se može uložiti prigovor u roku od sedam (7) dana od dana objavljivanja. Prigovor se podnosi putem protokola Zavoda.
7. Komisija za ocjenjivanje nakon što zaprimi pristigle prigovore, iste dostavlja uz pismeno izjašnjenje i usmenu prezentaciju predsjednika Komisije za ocjenjivanje, Upravnom odboru Zavoda na dalje postupanje i odlučivanje.
8. Nakon isteka roka za prigovore, odnosno donošenja odluke po prigovoru/ima, Komisija za ocjenjivanje utvrđuje konačnu listu rangiranih kandidata.
9. Nakon donošenja konačne liste rangiranih kandidata, Zavod s istima zaključuje ugovor o dodjeli novčanih sredstava za finansiranje po Programu utroška sredstava za podršku socijalnom preduzetništvu na području Brčko distrikta Bosne i Hercegovine u 2025. godini.
10. Zavod nakon zaključivanja ugovora izabranim podnosiocima prijava isplaćuje ugovoreni iznos nakon pravdanja odobrenih sredstava dostavljanjem odgovarajuće dokumentacije po priloženim dokazima o ispunjavanju uslova definisanim u poglavlju IV ovog Javnog poziva.
11. Podnosioci prijava kojima su odobrena sredstva po Programu dužni su da, najmanje dvije godine od datuma potpisivanja ugovora sa Zavodom aktivno obavljaju djelatnost za koju su registrovani i da redovno izmiruju obaveze po osnovu poreza i doprinosa.
12. Ukoliko podnosilac prijave ne primijeni ugovorene obaveze, u obavezi je vratiti cjelokupan iznos dobijenih sredstava.
13. Ukoliko podnosilac prijave kojem su sredstva odobrena po Programu ne primijeni ugovorne obaveze, neće moći učestvovati u programima koji se finansiraju iz Budžeta Brčko distrikta BiH u narednih pet godina.
14. Zavod može, u skladu sa Zakonom o finansijskom poslovanju Brčko distrikta BiH, ugovoriti da mu podnosilac prijave, kome su odobrena sredstva, preda neki od instrumenata obezbjeđenja ili da povrat sredstava obezbijedi na neki drugi način u skladu sa zakonom.



XI – Objava Javnog poziva - trajanje

Javni poziv će biti objavljen na web stranici Zavoda www.zzzbrcko.org

Poziv ostaje otvoren od 15.04.2026. godine, do 30.04.2026. godine.

Zahtjev i Prijavu sa Poslovnim konceptom na Javni za prijavu na Program utroška sredstava za podršku socijalnom preduzetništvu na području Brčko distrikta Bosne i Hercegovine dostaviti putem protokola Zavoda za zapošljavanje Brčko distrikta BiH, kancelarija broj 9., zaključno sa 30.04.2026. godine.

XII – Potrebna dokumentacija uz Prijavu za učešće na Javnom pozivu

Uz Prijavu na Javni poziv na Program utroška sredstava za podršku socijalnom preduzetništvu na području Brčko distrikta Bosne i Hercegovine, aplikanti su u obavezi dostaviti:

1. rješenje o osnivanju privrednog subjekta;
2. rješenje da je socijalno preduzeće registrovano na teritoriji Brčko distrikta BiH;
3. kopiju kartona deponovanog/ih potpis/a ovlaštene/ih osobe/a u poslovnoj banci na koju će sredstva biti uplaćivana;
4. uvjerenje/a o izmirenim obavezama sa stanjem mjeseca koji prethodi mjesecu objave Javnog poziva (mart 2026. godine), po osnovu direktnih poreza i doprinosa za PIO/MIO i zdravstveno osiguranje, (original ili ovjerenu kopiju), doprinos za slučaj nezaposlenosti Zavod obezbjeđuje službenim putem;

XIII – Rok žalbe

Žalbe na objavljenu preliminarnu rang listu mogu se uputiti Upravnom odboru Zavoda, u pisanoj formi, u roku od sedam dana od dana objavljivanja sa naznakom, „Žalba na Rang listu po Javnom pozivu za prijavu na Program utroška sredstava za podršku socijalnom preduzetništvu na području Brčko distrikta Bosne i Hercegovine. Žalbe se predaju na protokol, u Zavodu za zapošljavanje Brčko distrikta BiH, ulica Fra Šimuna Filipovića br. 2.

Predsjednik Upravnog odbora Zavoda

/Ilija Goricki, dipl.oec. /
